

萬載縣志卷十五

古蹟

吳陽樂城晉改名康樂故址在縣東北四十里今羅城

按晉武帝改陽樂縣為康樂縣不聞有遷建事舊志以陽樂即今縣

治晉改康樂遷治未知何據蓋陽樂城即康樂城也寰宇記乃云陽樂

城在州西北八十里義鈞鄉康樂城在縣東北四里今求

之兩地絕無蹟記必誤矣明一統志瑞州陽樂城在新昌

縣東二十里袁州康樂城在萬載縣東二十里亦誤惟瑞

州古蹟注康樂城在府西一百九十里獨得其實今以道

里方隅按之其地適當羅城羅城正古康樂鄉康樂里也

萬載縣志

卷十五 古蹟

一

康樂水在焉至今尚有城上西門游門諸地名其為康樂

故城無疑上高新昌志各謂其縣有陽樂城蓋為寰宇記

所誤

萬載場故址在邑西萬載鄉

按唐末立萬載場因鄉名場其址未知在何處姑以萬載

鄉統之

鄆王寨在縣西三十五里湯周山宋靖康間鄉寇雲擾王聚鄉

民立寨柵屯堡於此舊有石壇今不存韋志府志

按韋志云鄆王寨嘉靖志誤稱燕王寨攷嘉定志已作燕

王寨非自嘉靖志始

鄂王岳飛土城在縣北三十里三百坵俗稱土城裏

按三百坵土城相傳飛征楊么便道駐此滅土寇高蔡陽等遺蹟猶存舊志失載攷建炎紹興間劇賊曹成馬友黨潰寇劉忠張成輩先後據萬飛以紹興二年討曹成招降馬友郝通三年兩遣王貴擒劉忠張成五年入覲奉詔討楊么七年李綱捕虔吉盜飛由襄陽會勦見金陀編及宋史然則飛之駐此爲親至爲遣屬爲特來爲假道均未可定高蔡陽別無可稽想卽據萬餘黨歟

營盤嶺在縣西楮樹鎮距巡司署數里世傳岳飛自湖湘往新昌經此駐兵 國朝康熙十六年二月遊擊趙應時關彪都

萬載縣志

卷十五 古蹟

二

司江國梁搜搗賊巢領馬步兵駐劄於此

銀山寨在縣南十五里

嘉定志

按輿地紀勝循石壁而上洞中可容數百人避寇者多居之

武功峽在縣北一百二十里黎源明萬曆甲戌守備鄧子龍追賊李大鑿楊青山至此破之土人名峽曰破賊又曰武功

謝仙壇在邑北七十里謝山靈應觀後謝仲初修真處壇址丹井試劍石及履跡存焉觀側登仙臺飛昇石邑西關外真君井一名卓劍泉又十里竹渡四十里謝仙石一名麻鞋石皆其遺蹟

青陽洞天在縣北二十里冠邱山左側兩石並聳高數丈中一隙廣盈尺壁腰橫鐫青陽洞天四字相傳為仙蹟舊志訛作青蓮洞左側舊為青陽道院邑人敖玉溪建其姪遂初隱於此梁寅有青陽歸隱圖記

東蒙峯在縣西八十里獲富山石盤鬱樹林陰翳石壁鐫東蒙峯三大字八分書旁小字漈滅僅識道人二字或傳為張巖書院遺址

獅崑在縣北五里南田峭壁臨淵壁鐫獅崑二字大盈丈旁有大德元成宗二年春月書七字相傳為仙蹟

趙相蘭相如宅在縣西五十里鄉有蘭家村舊志詳寓賢辨

萬載縣志

卷十五 古蹟

三

別駕習鑿齒書堂在縣北八十里書堂山山谷深邃雖齷恒有雲霧相傳別駕讀書處墨池尚存道光七年邑眾重建本舊志康樂侯謝靈運讀書堂一在縣北四里地名厥塘存一在邑東北二里地名厥塘

按靈運食封康樂若嘗至縣集中豈無一字或其相遺蹟乎

孝子廖洪宅在進城鄉嘉定志一云在縣治東果巷興仁坊舊志

陶公石室在縣北東三十里陶家坊平田中突起一巖約高三丈中有石室相傳唐竹溪六逸陶沔晚歲隱居於此一名陶

逸巖俗訛桃花石參寰宇記

南平王鍾傳宅在縣北十五里今爲民田前有石筍人稱鍾令
公石 參洪武志通志府志

按舊志上藍寺卽其遺址考傳素與上藍寺僧往來寺非
宅址可知嘉定志謝志宅在州西北化成巖側唐僖宗所
賜第有南北二池今遺址與池尙存有別業在萬載江城
名蹟記南昌府城崇梵坊唐鍾傳故居今爲永寧寺 卽佑
清寺

旁有娉婷里南平侍兒所居後以名市林志宅在上高縣
西五十里今爲九峯寺有傳畫像在焉蓋傳宅本不一也
惟明一統志宅旁有石如筍屹立因呼其地爲石筍院專
指萬載傳係萬產石筍院實桑梓舊宇南昌特鎮州時所

萬載縣志

卷十五 古蹟

四

構宜春則賜第上高殆別業歟

太保青陽公宋齊邱宅在縣西三十里懷舊鄉緬村里 府志

按洪武志作萱村里地本連都音亦相近舊志作縣北十
五里水阬礫則誤矣明一統志齊邱仕南唐拜相乞歸九
華山賜號九華先生林志宅在高安縣遼山下安志南昌
齊邱兩爲節度使居洪州大起宅名其里曰愛親坊曰錦
衣日與賓客讌樂旣而捨爲中宮寺齊邱生長萬載九華
遼山南昌皆宦後所宅耳

刺史李徵古宅在縣西二十里高城市後徙城中安仁坊

按明一統志嘉靖府志均未詳徵古宅里考徐錯袁州先

聖廟記敕改所居高侯鄉高城里曰懷舊鄉孕秀里則宅
確在高城無疑

國子祭酒徐鉉讀書處在古福慶坊相傳鉉宦後人食其惠因
以名坊

劉長者讀書堂在縣北七十里謝山靈應觀左

龍南尹歐陽朝讀書處在縣南興賢坊

太史譚觀隱居故址在縣龍河石巖旁 以上舊志

尙古堂稅使黃璧建在治東集賢坊有記又建我我亭有詩

澄波堂進士黃盅宅又建書舍吳澄題曰大本堂皆有記

東岐山房黃盅建在東岐鷺鼻峯後水木田疇盤曲中谷有詩

萬載縣志

卷十五 古蹟

五

今稱黃家嶺 以上三條新輯

雲松巢在縣東北六里涂泉上高教諭胡泰結廬於此有記 詳寓

賢志

長史龍鐔讀書處在縣北十六里鐔嗜佳山水按浙回卜白良
之青天馬奇峯秀水茂林修竹道士黃朴庵焚修處也鐔卽
其址拓之延袤數十丈今爲長興寺後人塑朴庵像併鐔王
祀焉 郡志韋志

華萼堂在治東後街布政易節構爲友恭讌樂處

志喜堂侍郎郭瑾得贈父母建以志喜有記

彭觀察讀書處在城東岳門樓西名小魯齋今廢址猶存

孝子龍以仁廬墓處在車溪曰瞻思堂題咏甚多集采藝文補

畫永書堂在建城坊明洪武間長史龍鐔建

左布政易節讀書處在治東後街名烏溪書院

侍郎郭瑾讀書處在治南名綠陰書屋

給諫劉蓋讀書處在邑東北二里名桐岡書屋因山水之勝結

屋藏書有記

郡守李瓊讀書處在邑石頭山亭沼輝映園樹菁蔥甲於一時

郡丞彭天補讀書處在邑北煉石別業以上並舊志

按舊志望嶽樓在東郊外百步可望東嶽祠今廢翠巖亭

萬載縣志

卷十五 古蹟

六

在縣北龍江上邑人彭顥建石亭在林家渡邑三尹彭天

贊建為往來憩息所明崇禎間廢

國朝康熙四年邑人王事重建木亭善果亭在黃茅嶺彭

立殿建憩行者皆古蹟也今附於此

按通志龍江亭在縣北獅子山頂府志勞勞亭明知縣陸

世勣建於筆架山畔

按明知縣有陸
墩無陸世勣

舊志龍江亭一在龍

山頂邑宦遊宴登眺之所元末燬明正德丁丑知縣張邦

毅重立一在龍河水濱名龍江駐節亭凡宦遊應舉於此

祖饒明成化間知縣陳瓌令邑民辛璿創建迎恩亭在治

東南二里廂外明洪武十五年知縣李遠建迎春亭明隆

慶間知縣徐一唯修葺邑人思慕旁立徐令生祠崇禎間
知縣韋明傑捐貲重修今並廢